

浩亭集

河漢集

浩亭先生文集序

在昔麗季我先祖牧隱先生文章德業爲世冠冕典
文衡知貢舉儲養簡拔人材輩出名賢忠碩莫不受
公鑪錘藉公吹噓時則有文忠浩亭河公即門下一
人而中至正乙巳科在樞衣之列者蓋三十年公入
我朝位上相開濟洪業佐理太平鍾鼎旂常光爭
日月笙鏞黼黻貴飾淵雲豐功偉績掌攷家往往言
之獨其文獻之足徵著述之垂後者年代寢遠屢經
兵燹散亡遺秩百不留一文苑好古之士莫不愧惜
焉一日予公退閒居有二客叩門袖示一冊即公之

遺藁而殘膏剝馥收拾於國史野乘之中彙成一編者也予因得而卒業其文典重簡雅詩尚宋調平鋪渾厚可以彷彿其氣像至若心性說貫義易太極之理承濂洛關閩之源可作當世儒宗百代師表嗚呼盛矣一齋足以知全昂何必卷帙之多為客徵予弁卷之文謂公撰我先祖繫牲之銘噫公之於我先祖座主門生之誼不啻若孔李之世好則予何敢以不文辭客名聖圖龍圖即公後裔其追先闡義之誠亦不可不記爾

嘉善大夫行承政院都承旨兼經筵叅贊官春秋

館修撰官藝文館直提學尚瑞院正原任 奎章

閣直閣鵝城李景在撰

浩亭先生文集序

閩直閣學士李景奭

直學尚書王孫山

序

浩亭先生文集目錄

卷一

世系

年譜

卷二

詩

五言絕句

送鄭竹堂

復周

赴全羅都觀察張相國

子忠

幕郡守李英茂首題贈行詩共和其韻

附原韻

五言律詩

凡五首

謹賦感興詩奉呈權陽村

近

詩其味其韻

又

快全蠶階贈察泰財國

于也

又

又

又

附次韻

凡五首

陽村權近

又

又

又

又

五言排律

贈朴經德

仁壽

得嘗字

七言絕句

凡二首

贈尹參議鈴平君

垠

題清風樓

七言律詩

次權陽村韻

附原韻

共和成獨谷

石璘

贈吉冶隱

再韻

題嶺南樓

拾遺 凡四首

解慍亭侍宴聯句

榮川壁上詩

高靈題詠

尚州

善山

梅花聯句

菊花詩

序

牧隱李先生墓誌銘

并序

周隱鄭先生詩集序

遁村李先生詩集序

惕若齋金先生學子吟集序

禮記淺見錄序

送西北面都巡問使平壤尹趙公詩序

贈李府使詩序

宗兄獻納君詩卷序

送楓岳僧序

晉州客館重修序

卷三

記

慶會樓記

臺石樓記

臺石城門記

鳳鳴樓記

惠利院記

衢謠樓記

拆威縣客館記

不毀樓記

寒碧樓記

彌勒院記

贊

獨谷譙座圖贊

敬烈公真贊

并序

祭文

祭權陽村文

說

心字說

性字說

名子說

議政府相規說

循資格說

策題

又

又

又

又

疏

請正文廟位次疏

乞聽政疏

自辨疏

再疏

三疏

四疏

卷四

附錄

勲盟書

定宗大王勲盟書

太宗大王勲盟書

教書

定

宗大王定

社策勲時

賜牌教書

太

宗大王佐

命策勲時

賜牌教書

英

宗大王特命大臣引見入

侍時傳教

聞計時致祭 資教

議大臣 傳教

立后時 特教

事實

卷五

附錄

叙述

卷六

附錄

銘

墓碣銘

并序

清香堂尹淮

附晉陽府院君神道碑銘

并序

春亭卞季良

碑陰記

知製

教朴熙中

祭文

宗大王親製賜祭文

祭文

春亭卞季良

正

又

清香堂尹淮

祠宇奉安文

參議梁周益

啓

駕前上言

晉州河應清
咸陽河
佩

禮曹回啓

判書閔百興

大臣獻議

顏相金尚訥
右相元仁孫

禮曹立案

判書閔百興

草記

忠勲府草記

吏曹勲府草記

吏曹佐郎尹在陽
勲府堂上朴崙壽

啓目

忠勲府 啓目

忠勲府事目

卷七

師友門人錄

浩亭先生文集目錄

浩亭先生文集卷之一

世系

河拱辰

晉州人高麗顯宗朝以尚書左司郎中奉使契丹丹主拘之使居燕京公多市駿馬列置東路以爲歸計入告其謀丹主鞠之公以實對曰臣於本國不敢有二心不願生事大朝丹主義以原之諭令改節公辭並勵遂遇害文宗六年褒贈尚書工部侍

則忠

文宗朝以平章公功招授尚書工部侍郎

卓回

文科四門博士以親老免官還鄉

挺才

文科翰林學士毅宗朝以十韻詩登第

郎司平章事仍

圖形閣上

南秀

文科通議大夫

檢軍器監

邵

文科通議大夫

軍器少尹

浩

文科

扶

文科

富深

文科隱德不仕

博士以下四世

相繼登第公兄

弟三人亦皆登

第以國制廩其

親

崙

即先生

字大臨奮忠伏

湜

贈純忠補祚功

臣輔國崇祿大

夫判司評府事

晉原君行膳官

署丞

父

中軍都摠制

特源

贈純忠積德秉

義補祚功臣大

允潏

字所開贈忠勤

翊戴神祚守義

崔輔國崇祿大夫議政府右叅政判兵曹事晉原府院君謚文貞公行式目錄事

巨源
贈兵曹判書

協贊功臣大匡輔國崇祿大夫議政府右叅政判兵曹事晉陽府院君行順興府事配

允丘
宗簿令

義同德定社佐命功臣大匡輔國崇祿大夫議政府右叅政判兵曹事晉陽府院君謚文忠公號浩亭配享

太宗廟配原韓國大夫人星山李氏禮儀判書仁美女先生曾孫縣監公諱厚以下子孫無傳

英廟甲午自先生從子孫牧使公諱禹治以下至十三世孫諱漢通特許立后

福生

副正

厚

縣監

禹治

牧使

淑

承仕郎

孟寶

號愚溪孝行

保

號靜默齋副正

文尚

主簿 毫從龍

灝

號守拙齋

仲寶

號閭學行立祠

號竹齋

贈叅

頌

主簿

世寶

判

季寶

穎

察訪

活

號陽庵 贈叅

議

世瀛

鑑

再龍

台龍

晉龍

以孝行

英宗朝自
上給復

翼龍

興龍

繼龍

漢通

承

英廟特教立后奉

先生祀

漢晶

慶錫

必永

鍾赫

漢文
漢箕

年譜

有元順帝至正七年

丁亥○高麗忠穆王三年

春先妣辰韓國大夫人姜氏得吉夢有娠以其年

十二月己丑先生生于晉州飛鳳山下幢南里舊

第即今之兵營基也

先生所撰鳳鳴樓記曰予少日侍親於幢南里之家去樓

二百餘步樓在客舍之南百步許云而晉人至今有言曰觀德堂後有拱辰堂方其設兵營也緣立

公廡旋即傾覆故州人議以為平章公之靈先作此堂則無傾覆之患云堂用平章公之名蓋取拱

北之義而欲其靈之依此而安也噫嘻其異矣一說云平章公之廳舍一說云平章公之山亭三說

未知是否平章公諱拱辰乃顯王朝名臣實先生之鼻祖也

八年戊子先生二歲

九年

已丑○忠
定王元年

先生三歲

十年

庚寅先生四歲

十一年

辛卯先生五歲

自知疑然不類羣兒

尹清香堂准所撰先生墓誌
銘曰先生自知疑然不類羣

兒云而此條未知的
在何年姑附于此

十二年

壬辰○恭
王元年先生六歲

十三年

癸巳先生七歲

十四年

甲午先生八歲

十五年

乙未先生九歲

十六年

丙申先生十歲

是歲始就學既授輒成誦

先生天資重厚識明而量洪雍容簡默平生無

疾言處色

十七年

丁酉

先生十一歲

十八年

戊戌

先生十二歲

十九年

己亥

先生十三歲

二十年

庚子

先生十四歲

中國子監試

時者村李大其試

監也

王考晉康府院君文貞

公卒

二十一年

辛丑

先生十五歲

從宗兄獻納君始赴校

獻納

君即川南處士之曾孫長先生九歲共赴校共

之講習唱和者五年

二十二年

寅壬寅

先生十六歲

二十三年

卯癸卯

先生十七歲

從皇考晉陽公子肅州任所

時晉陽公眼關起知肅州郡事

二十四年

辰甲辰

先生十八歲

二十五年

巳乙巳

先生十九歲

春從晉陽公自肅州還本第

時晉陽公為政以仁恕為本拙欵絕而刑

罰省吏民德之及其見代涕泣以送既還公不秋欲復仕乃與鄉之父老結為金剛杜優遊卒歲

登第

李旌隱李文貞公其座主也

聘于夫人星山李氏

儀禮

判書仁義之女旌隱先生仁復之繼

二十六年丙午先生二十歲

受業于牧隱李先生

先生所撰牧隱墓銘曰執樞衣之禮者三十餘年云而牧

隱先生卒于丙子則未知自丙午至丙子為三十餘年與○于時獲牧兩先生宗主斯文學士大夫

咸出其門於是先生與圃隱鄭先生楊若齋金先生道村李先生陶隱季先生陽村權先生諸賢深

究性理之學因為道義之交

二十七年丁未先生二十一歲

選入春秋館歷檢閱拜供奉

下春亭李良所撰晉陽公神道碑銘曰登

第明年為史官尹清香堂准所撰先生墓誌銘曰丁未選入春秋館登第明年即丙午而此云丁未

并當更攷

皇明太祖高皇帝洪武元年戊申先生二十二歲

試監察糾正

二年已酉先生二十三歲

監檢收司量田劾辛肫門客忤肫罷

三年戊寅先生二十四歲

周旋師友之間講論切磋學問日進先生所撰詩

序曰始見道村先生於圃隱先生之小軒再見于

牧隱先生之草廠緒而陶隱邀牧隱圃隱兩先生

及道村設小酌置盆梅作梅花聯句予亦往參焉

四年辛亥先生二十五歲

辛肫誅起拜榮州按廉使鳳凰來棲時監司金湊上治行第一

五年^{壬子}先生二十六歲

召拜考功佐郎

先生以榮州拔
廩使被召

六年^{癸丑}先生二十七歲

以版圖佐郎察訪交州江陵道

七年^{甲寅}先生二十八歲

除諸陵署令

八年^{乙卯}先生二十九歲

拜司憲府持平典理正郎

九年^{丙辰}先生三十歲

陞朝散大夫典校副令知制誥
教改典儀副令

十年_{丁巳}先生三十一歲

遷典法摠郎寶門閣直提學仍知製教自此除職皆兼

帶館移版圖摠郎按廡交州道○秋自幢南里移

居于北村梧谷晉陽公神道碑銘曰時倭寇方熾公語族人曰吾鄉西南濱海島寇

歲至西南先受其害勢必及邑里宜移就北村以避其鋒至丁巳秋遂挈家結廬于梧谷

十一年_{戊午}先生三十二歲

拜典理摠郎

十二年_{己未}先生三十三歲

陞奉列大夫典校令又拜成均大司成時先生上書宰相曰

島夷數至尤親輒入山城不勝其難今順興府使儒者也乞以自代除父順興俾獲安處宰相義其

言

十三年

庚申

先生三十四歲

春因先生上書

除晉陽公順興府使階奉翊

是

晉陽公嘗受添設官累轉至奉翊大夫禮儀判書故今為府使因其資先生仍大司成

九月

丁皇考晉陽公憂

晉陽公之任有惠政民方慕悅而疾作謂夫人曰吾年六十子

亦成立有何遺恨況人生脩短莫非天命皆歸於盡只有先後耳勿傷心語竟乃絕卒于理所時先

生以大司成聞病備蓐倍道疾馳二日而至未及永訣辨踊摧折晝夜不離殯側棺用金木槨用七

寸晉陽公以全治辛酉年六十是

十二月葬晉陽公子

本州北梧坊洞坎山

凡喪葬之具一依文公家禮不用浮屠法

十四年

辛酉

先生三十五歲

起復判典校寺事乞終喪不就

時喪制索弛士大

國家有起復之法而先生獨乞終三年之喪而蒙先生之忠孝可謂兩全而無憾

十五年^{壬戌}先生三十六歲

十一月服闋除通政大夫右副代言

十六年^{癸亥}先生三十七歲

移右代言尋拜判書典理

十七年^{甲子}先生三十八歲

入密直陞提學○作惕若齋金先生學吟集序

先生

所撰惕若齋學吟集序曰金先生將奉使遼東予勉以一言先生重違朝命不敢請而去卒有大

理之行不克復命嗚呼惜哉云

十八年丑乙先生三十九歲

秋拜簽書奉使如

京

時典簿周太祖高皇帝遣國子

于西北面其還也先生奉謝表偕行周倬等甚禮重之

十九年

丙寅

先生四十歲

春還國復命

二十年

丁卯

先生四十一歲

加同知

二十一年

戊辰○昌元年

先生四十二歲

春以崔瑩攻遼事見放襄州

時武臣崔瑩欲興師犯遼陽先生力陳不

可瑩怒放之襄州○冷隱吉先生亦歎其攻遼而作詩以自警有身雖從衆無奇特志則夷齊餓首

陽之夏瑩敗先生得還

二十二年

已巳元平

先生四十三歲

春復拜同知○秋以永興君事流于光州

時有稱永興君

王環者來自日本先生以如戚素知環貌者言其非真見放于光州○按名賢錄畧曰已巳十月諫

官吳思忠等彈劾李崇仁誣陷永興君之罪流京山府疏論近黨附崇仁流寧海府檣亦乞辭職歸

長湍別業十一月思忠等又上疏極論檣立昌迎楊之罪李崇仁河崙徇檣奸計流檣父子崇仁崙

于外云

二十三年

庚午

先生四十四歲

春移放蔚州

按名賢錄畧曰庚午春諫官又上疏請置檣等極刑乃并徙邊諫官復論

檣等遂皆流貶繼有曩初之獄逮繫檣等于清州獄方鞫諸囚忽雷雨大作前川暴漲毀城南門直

衡北門城中水深丈餘漂沒官舍獄官蒼黃攀樹
木以免事聞命放諸囚安置○先生祭陽村文

曰乃值庚午同竄南荒上黨潦雨天意孔彰云則
先生自蔚州屢徙至清州○時吉冶隱亦以註書

見先生及一代名流同時被禍知其國之將亡而
辭以毋老棄官還鄉道經長湍訪牧隱告其志牧

隱以詩贈之先生亦以詩贈之有屈指
古人非一軌君今隱冶慕誰車之句

二十四年

辛未

先生四十五歲

夏起拜奉直大夫全羅道都觀察使

二十五年

壬申○我
祖大王元年

先生四十六歲

夏以全羅道都觀察使代還晉州

四月團隱鄭先生遇害而同門

諸賢有若李崇仁李種學李種害及金震陽懷長
壽或免為庶人或杖流遠地先生見師友之皆以

團隱黨被禍
代還故鄉

二十六年癸酉先生四十七歲

秋再起拜京畿左道觀察使

先生自壬申夏至癸酉秋二年杜門不起

我諸賢為慮濟安勸起河浩亭黃瓦村出仕抑斯

談也其在二年杜門之始定賦役
後至再起復之時乎
後豪強雖惡之為人眼其均
諸道皆效之遂為定制
力諫止遷都鷄龍山
歲

太祖欲遷都鷄龍山既

與役先生力諫上從之

二十七年甲戌先生四十八歲

三月復拜僉書中樞院事○為漢陽治都監後使

二十八年乙亥先生四十九歲

四月遷中樞使與權陽材共覲
天庭○七月丁

先妣辰韓國大夫人憂

夏先夫人寢疾先生時以中樞院事謁告馳駟三日

至嘗慕以進先夫人謂先生曰汝父也先生涕泣

以勸先夫人又謂先生曰人之死生不在老少汝

及汝婦俱無恙吾今先逝豈不自幸不願強進諸

夫人于晉陽公墓之南

二十九年

丙子

先生五十歲

四月起復拜藝文春秋館學士力辭不允○五

月哭牧隱先生○七月奉使如京

京

以時表辭高皇帝謹

徵我主文者鄭道傳八朝且遣牛牛等官督之時

先生為館伴太祖密訪廷臣以遣否皆顧望以

為不必遣先生獨言遣之便太祖欲遣李至奏

使臣謂惟河館伴可以將命請與之俱先生至朝

廷敷奏詳明十一月撰牧隱先生墓銘

三十年丑先生五十一歲

正月拜鷄林府尹時鄭道傳議舉兵出疆三月作

李府使詩集序以遺逸六月坐事逮巡軍置對春

諸公議所以慶尚請降四月先生與觀察節制

先生同役失策者七月安置水原府○十月得自便

三十一年寅先生五十二歲

七月拜忠清道觀察使時南閣鄭道傳為撫安地

伴太宗生饒其家羣客滿座先生就前行酒先生

門內門先生亦隨之太宗遂疑之問曰何為

先生曰 王子事急矣所以覆盤者將有傾覆之患故預告之也遂引入寢室問計先生曰臣受

王命不可久留安山郡守李叔藩可屬大九月召事臣當上鎮川留待事成急召臣遂行

拜政堂文學

是月定宗大王即祚先生時以忠清監司被召十月錄定

社一等功臣 賜爵晉山君○奉使賀 建文

皇帝登極

建文皇帝元年

已卯宗大王元年先生五十三歲

十二月拜叅贊門下府事

二年

庚辰

先生五十四歲

四月陞崇祿大夫贊成事○五月判義興三軍府

事兼判尚瑞司事○九月陞大匡輔國崇祿大夫拜

門下右政丞兼判兵曹事進爵為伯○十一月以

定社一等功臣入於勲盟是月太宗大王即祚

三年辛巳○太宗大王元年先生五十五歲

正月錄左命一等功臣○閏三月以病辭拜領

三司事○四月知貢舉取趙末生等三十三人七月改官制

仍領司平府事兼判戶曹事○始請通諸貨賄國

用

四年壬午先生五十六歲

六月獻觀天庭捧進明命樂章二篇上賜教獎諭十

月拜議政府左議政判吏曹事○奉使賀太宗

文皇帝登極

時先生入賀議政府事李唐為之介先生至

太宗文皇帝登極

知

廷興李公上始矣請改

賜書禮部以為新

天子既與天下更賜誥

命印

太宗文皇帝永樂元年先生五十七歲

癸未

四月奉誥命印章以來侍宴清和亭

先生偕朝使都指

揮使高得等奉誥命印章以來

上賜書褒之

天

賜土田臧獲鞍馬先止辭上曰卿等入奏

子泰誥印以來遺我子孫萬世無疆之休用錫土

田臧獲傳諸子孫卿無固辭遂賜宴清和亭

通衢名以衢謠乃先生所命名也

奉教修三國史略

二年先生五十八歲

甲申

六月以旱乞免○十一月以佐 命元勲再入勲

盟

三年^{乙酉}先生五十九歲

正月復左議政加 世子師

四年^{丙戌}先生六十歲

七月轉聞于 上設歸厚署○各道州郡量置一

二寺餘皆革去

時先生以各宗寺杜住持多占土田奴婢殖貨冒色蠹財惑衆違白

於各郡州郡量置一二寺餘皆革去其土始置儒

學提調

時初置十學儒學其一也○出東國文獻備攷

五年^{丁亥}先生六十一歲

四月拜重試讀卷官

取卞季良等七人

七月以旱固請避

位

按海東錄曰先生以旱請避位上曰箋詞切至實乃諫疏予觀方策災異之來非宰相之咎

今之不雨罪實在予豈關於卿甲申夏卿以久旱固請避位未幾復有大水之災今日之旱不為卿

明作平壤趙公詩序

趙公名浚開國元勳

六年先生六十二歲

二月陞拜領議政府事○六月上聽政疏○升

顏孟於五聖升子張於十哲以定

校宮

按東國文獻備

致先生領議政時入若先生顏孟於五聖升子張於十哲以定校宮

門之九月以定社佐命元勳入於健元陵碑陰

記

太祖大王陵碑陵在楊州儉岩山下太宗大玉特命季良開國定社佐命功臣姓

名亦皆
并刊之

七年己丑先生六十三歲

奉 旨修 太祖實錄先生墓誌銘曰嘗奉旨

云而戊子二月先生願議政府事是歲五月太
祖昇遐九月因山則先生修實錄當在此年故

姑附于此

八年庚寅先生六十四歲

九年辛卯先生六十五歲

二月知貢舉取權克中等

侍飲福宴于廣延樓

十年壬辰先生六十六歲

八月復左議政至是先生
四秉國鈞

奉教作慶會樓記

樓在景福之西即太祖大

名名樓以慶會者蓋取

自辨疏

銘時先生以救隱碑

上自辨疏

十二年先生六十八歲

四月又拜領議政府事

時國家倣周官分政府庶務歸諸六曹以先生領議

政府作晉州矗石樓記

樓在州之南江上○鄉父老前判事姜順前司諫崔

卜隣等具其重修始末請於先生曰江防之等真石之營皆子之指畫而樓成之元蒙特旨榮釋

一鄉蓋為記以示不泯云云蓋時國家鼎平然上心猶以為吾治未足每降旨禁用民力故先

生以此樓重建事聞于上蒙下旨勿禁

十三年先生六十九歲

夏命名慮民樓

樓在牙山名樓以慮民者蓋取為民之意

十月又拜左

議政○十二月晉陽府院君神道碑成

下春亭季良撰碑銘

十四年

丙申

先生七十歲

春以故事乞致仕

上不允

優先生不朝

四月

上許

先生就第

親餞濟川亭

按晉陽詩以侑之

上酒酣作教

書將本州百結田稅

賜先生家傳及永世踏

聖

御寶而賜之先生

下庭再拜而退謂鄉人曰御筆不可藏於私室攜一閣於碧梧堂後奉安御筆及賜牌文券國有大事必咨

焉作

御筆閣

○十月奉使咸吉道

上出郊

親餞

時

請

上

欲遣

使

咸吉道

巡審

先王陵寢先

親出郊

親

出郊

親

出郊

親

出郊

親

出郊

親

餞之既卒事將還疾作上聞之亟遣內醫治疾內厨調膳中官問慰絡繹於道

十一月

初六日癸巳易簣于定平公廡○上親臨吊奠

即賜謚文忠道德博聞曰文危身奉上悼甚哭之流涕撒朝三日

素膳七日遣禮官賚上及世子親臨吊奠賜謚曰

文忠先生哀榮可謂無憾也已矣

十五年丁酉

三月葬于本州梧坊洞先塋東負坎之原是月嗣子都

制公自京奉樞歸附于晉北上命官庀葬事先生

自號浩亭有文集若干卷預為遺文藏之中笥訓誨子孫纖悉周備且誠以喪葬一依朱子家禮母

作佛事先生既沒而墓誌銘成尹清香

二十年壬寅○世宗大王四年

九月以定社佐命元勳入於獻陵碑陰記

太宗大王陵碑陵在廣州大母峰下王特命尹清香准開國定社佐命功臣姓

名刻之

二十二年

甲辰王六年世

配享

太宗廟庭

壬寅五月喪畢太宗大王升遐甲辰五月喪畢既畢於三年

神主升樹於宗祐功可傳於萬世人主與享於廟庭

神宗顯皇帝萬曆十九年

辛卯

御筆閣被燒

按晉陽誌御筆閣萬曆辛卯為李牧使所焚

英宗大王五十年

壬申

四月上下特教立后

自先生曾孫縣監公諱厚以下嫡嗣零替英朝甲

午咸晉門長河應清河顰甫上言 駕前 上特
命宗孫河漢通入侍 下教曰河漢通人物端正

奏對詳明可合大臣立 后因 下議大臣願相金
尚詰右相元仁孫獻議 上下特教曰故例已多

特許立后可也事 五月 命禮判成給 天書
啟下禮曹成給立案

禮制閱百與泰 教以先生從有孫牧使公諱禹
治以下至八世孫 諱絀龍子諱漢通定給宗孫

上命玉堂以定考妣位造主之禮○七月命京兆

府推給 賜牌土田 住定社佐 命奉誥印乞致
之意自京兆府石關於該道該邑至於逐庫

查貫繼成一卷 草巧值嶺伯遙歸中撤

正宗大王二十三年 未巳

八月 上下教調用嫡長孫 時自勲府草記入
啓上 命該曹行閱

該道該邑問嫡長有無嫡長時在咸陽晉牧徑以
無字馳報江華河龍賓稱以先生後孫至為初仕

竟生誣
同創集
十一月
上遣官
賜祭于墓所
祭文
親製

遺承言趙
弘鎮諭祭

今上四年
寅甲寅

夏文集成

先生詩文不為不多而累經兵燹百無
一存博采乘史謀所以不朽今去先生

之沒四百有餘載則實先世所未遑而曾自梧坊
齋經始刊役世系昭穆大違於聖教本意他人
贈秩誤刊於附錄末篇自餘訛謬幾至數十条故
今自景忠齋更考諸集依例蒐輯為元集二卷附
錄二卷彙成一
杏刊行

浩亭先生文集卷之一

浩亭先生文集卷之一

詩

五言絕句

○戊寅

送鄭竹堂

復周

赴全羅都觀察張相國

子忠

幕

郡守李英茂首題贈行詩共和其韻

適值維新日將施有脚春好看諮度罷來與鹿鳴賓

附原韻

鄭氏啓行日全羅再活春願陳長大策善事幕中

賓

五言律詩

詩

謹賦感興詩奉呈權陽村

近

邇矣檀君氏鴻荒命始膺箕封施教化燕虜肆憑凌
自爾幾離合徒然相廢興欲爲來世鑑無籍可能徵

二

降及新羅始猶爲太素春結繩知歲月立極辨君臣
居恭初開暗文昌欲向真幸哉王氏作學校漸敷陳

三

先生慕中夏雙冀說初科孰究淵源學爭趨月露華
紛紛爲捷徑灼灼各名家珍重韓山老慙慙欲正訛

四

前朝好文士擾擾少真知吾道實如寄異端因盛馳
峯談方欲闢圖志未能施可惜陶齋子空留數卷詩

五

吾衰今甚矣於道未曾聞簡冊初希聖軒裳欲致君
村疎徒束謗志苦不成文敢請陽村子收功到七分

附次韻

大道寓方冊有誰能服膺庸材甘自棄豪氣好相
凌縱得天資羨其如物欲興群邪多勝正此理固
難徵

萬化浩無際四時都在春亶聰雖作后輔弼必資

臣燕石寧為寶齊竿易混真知人堯舜病九德竟
誰陳

邪正難相合賢愚固異科勿憂譽與毀惟務實作
華志欲承三聖談宜闢二家哀哉迷似是賈賈競
傳訛

明睿韓山伯文章是性知歐蘊才并立籍湜汗相
馳圓蹟功曾缺峯摧禍亦施難將成與敗說盡一
篇詩

浩亭真卓立至道已嘗聞正大迢諸子休明遇聖
君經邦臻盛治詆佛起斯文多謝沉痾裏佳章幸

見分

五言排律

贈朴經德

仁壽

得嘗字

同年朴孝子不見餘十霜仕宦不求達思親歸故鄉
懇懇供子職百歲願康強親病欲自代豈止湯藥嘗
哀哉違永訣泣血向蒼茫八旬如一日敢請無以傷
廬墓雖非制孝思見無彊方今重孝理盛業期虞
唐忠臣必孝子好者扶綱常

七言絕句

贈尹叅議鈴平君

垠

坡山中葉出兄弟叅議為兄掌令弟不使子孫益其
過却將田宅讓貧弟

題清風樓

在廣州

少年曾此一看花老大今來感慨多歲月不留人搜
盡眼前風物尚繁華

七言律詩

次權陽村韻

早年豪氣冠同僚積力功成識見高顏樂尋源應介
契周圖得緒豈差毫道心經緯同雲谷詩思波瀾壓
水曹遠豫彌留人共惜須親藥物莫辭勞

附原韻

領府崇班絕百僚晉山勲望泰山高守持剛正堅
如鐵剖柝精微細入毫浩浩詞源追李杜巍巍相
業鄙蕭曹哀矜老病仁心功來問窮廬不憚勞

共和成獨谷

石璘

贈吉冶隱

再韻

溪山勝處結茅廬心跡雙清與物疎懶立難為公信
事詩中亦有汝方書傳巖只是初年筭渭水何曾卒
世漁屈指古人非一軌君今隱冶慕誰車

題嶺南樓

在密陽

誰構岑樓上接天壁間題詠盡廬前流年衮衮臨川

裏往事悠悠倚柱邊十里棠麻深雨露一區山水老
雲烟晚來已見斜陽好月滿長江更肆筵

拾遺

解慍亭 侍宴聯句

恩若昊天加 賜宴 臣崙

心如金石更無私 太宗大王

榮川壁上詩

○詩不傳出晉陽誌先生知榮川
郡事時嘗留壁上詩後權花山攀

及諸賢多
以此題詠

高靈題詠

挾城多老樹種藕有方塘

尚洲

沙伐舊畿猶勝景徐羅遺俗自淳風

善山

喬木叅天歲幾千一區山水好風烟

梅花聯句

○詩不傳出道村雜詩序時陶隱遯牧隱圃隱道村三先生設小酌置盆

梅于前作梅花聯句先生亦往叅焉

菊花詩

○詩不傳時先生移家硯井洞去道村首山下之草亭不數里贈菊花詩一

篇先生謹和之

序


牧隱李先生墓誌銘

并序

序

浩亭集卷二

五



中朝進士以理學唱鳴東方位至王國上相者韓山
牧隱先生李文靖公而已至正乙巳秋公與星山樵
隱先生李文忠公同掌禮闈崙以不才幸以中試執
樞衣之禮者三十餘年公之卒也廼緣職事不得往
哭于位迄今悲不能已今其季子種善以陽村權近
所撰行狀來囑墓銘崙誠恐不足以形容德義然揆
諸義不敢辭謹按公諱播字穎叔號牧隱世居忠清
道韓州曾祖諱昌世贈版圖判書祖諱自成元朝贈
秘書監丞本國贈都僉議贊成事考諱毅元朝征東
行中書省左右司郎中本國都僉議贊成事右文館

大提學監春秋館事號稼亭謚文孝公中元朝元統
癸酉制科詩與文高一世有集行于世妣金氏元朝
遼陽縣君本國咸昌郡夫人以天曆戊辰五月辛未
生公自幼穎悟絕倫讀書輒成誦至正辛巳中本朝
成均試年十四戊子稼亭先生在元朝爲中瑞司典
簿公以例補國子監生負學益進庚寅稼亭還本國
明年正月卒公奔喪終制癸巳夏魁本國禮闈試授
肅雍府丞秋中征東行中書省鄉試第一甲午春會
試京師對策殿庭大爲讀卷官稱賞中第二甲第二
名及第勅授應奉翰林文字同知制誥兼國史院編

修官歸本國頃次王待以殊禮就加典理正郎藝文
應教知制教兼春秋館編修官乙未春爲王府必閣
赤陞內史舍人知制教兼春秋館編修官自此本國
除授皆兼館職夏如京師禮任本院冬權經歷公見
天下將亂託以母老棄官東歸丙申秋本國改官制
授吏部侍郎兼兵部郎中以叅文武之選公嘗上言
時政八事其一罷政房復吏兵陪選故有是命丁酉
試國子祭酒知閤門爲王府知印遷右諫議大夫戊
戌同僚皆以言事忤權貴左遷王謂宰相曰播非衆
人比也進拜樞密院右部承宣累遷至左承宣自是

叅掌機密凡七年啓沃弘多辛丑冬紅寇陷王京王
南幸公從王捍衛協贊克成收復之功策勲一等賜
以鐵卷癸卯元朝授征東行中書省儒學提舉本國
授密直提學同知春秋館事賜端誠保理功臣之號
自是與聞國政乙巳同知貢舉請行搜挾易書之法
丁未元朝授征東行中書省左右司郎中戊申以判
開城兼成均大司成王欲興復學校改創成均館擇
一時之有經術者分授生徒皆以他官兼學官公每
日與諸學官分授畢相與討論辨析竟日忘倦學者
得以變其舊習儒風一新夏王試九齋生六經義賜

及第七人命公讀卷已酉又同知貢舉請行三場通
考之法初王構魯國公主影殿于王輪寺東岡狹小
其地更欲於馬巖西相地尤極宏壯侍中柳濯等上
書諫止之王怒下濯等獄欲誅之命公製論衆文公
請罪名王數四罪公對曰此皆既往之事又法不應
死近日濯等上書請停影殿之役雖以此罪之國人
必謂上書之故願王思之王益怒趣製愈急公俯伏
曰臣安敢爲文以成其罪王怒益甚乃移居定妃宮
不許進膳翌日幸臣辛肫欲解王怒請王下公獄欲
坐以不從王命公曰臣濫蒙上知自布衣驟至達官

嘗謂有可以補上德者必盡言無隱今王欲誅柳侍
中臣敢盡言者第恐王之名不美於天下後世也獄
官俱以聞王遂感悟放濯等出使謂公曰明日沐浴
而朝予將謝之厥後王益敬憚辛亥知貢舉秋拜政
堂文學加功臣號曰文忠保節贊化王每召公入必
灑掃焚香曰播之學問中國亦罕其比烏敢不敬九
月丁遼陽縣君憂明年六月王命起復本職公力辭
癸丑冬就封韓山君甲寅秋王薨公自遼陽之逝哀
毀成疾聞王薨杜門不出者七年丁巳加推忠保節
同德贊化之號領藝文館春秋館事壬戌拜判三司

事癸亥復封韓山君甲子加府院乙丑拜檢校門下
侍中丙寅又知貢舉公凡五掌試所取多知名士戊
辰朝廷欲置鐵嶺衛武臣崔瑩挾偽主欲舉兵攻遼
軍渡鴨綠江我 太上王舉義回軍執退瑩等起公
為門下侍中公曰今國家有釁王幼不能親朝執政
者當行老臣敢自請王及國人皆以公老且病固止
之公曰臣受國恩至厚常欲以死報之苟得達國命
於天子雖死猶生遂入朝敷奏詳明 高皇帝優禮
待之寵賚遣還已巳夏還國秋以疾請解繁務乃拜
判門下府事冬恭讓君立有忌公不付已者劾置長

湍縣庚午四月移咸昌五月尹彛李初之獄作繫公
茅數十人于清州將用竣法鍛鍊成罪事將叵測而
公以義命自處不爲之動天忽大雨自朝至日中山
崩水湧城門壞館舍盡沒問事官攀樹木僅免驛聞
于國許皆放還清之父老相謂曰有州來未有水灾
如此之劇此殆公等所感也王素知公無他累次召
還忌公者輒斥之辛未冬公自咸昌被召還復封韓
山府院君主申四月又貶於州六月徙驪興七月我
太上王即位忌公者誣公以罪欲加極刑公曰吾
平生不妄語安敢誣服死爲直鬼亦無嫌矣語聞

王原之移置長興府同時見貶者多賴公得全冬放
歸韓州乙亥秋遊關東入五臺山因留止王遣使
迎致仍封韓山伯待以故舊之禮公進見而退必送
至中門丙子夏五月公請往驪江避暑初七日疾革
有僧至欲語以其道公揮之曰死生之理吾無疑矣
言訖而卒年六十九訃聞王輟膳停朝三日遣使
致祭賻葬以禮謚曰文靖十月男種善奉柩歸韓州
十一月甲寅葬于加智原公稟資清粹學問精敏早
承家訓八齒辟雍博文篤行務盡性理之學及還本
國勦進後生以興起斯文爲已任學者仰之如山斗

掌國辭命數十年恒見稱於朝廷爲詩文操筆即書
辭理精到妙絕一時有集五十五卷樵隱博學有識
鑑尚論前輩亦小許可獨於公稱歎不置曰牧隱真
天才也平居待人接物渾是一團和氣當官處事論
議功至確乎不可拔及至爲相務持大體略無近名
之累平生不治生產雖至屢空不以爲意晚年居閑
往往遊山水間以自消遣方外之人有欲從遊者不
拒有求詩文者不靳人以是有不關異端之譏然以
公達理之明豈不知幻妄之說不足信哉觀其易簣
一語則可知已夫人永嘉權氏元朝明威將軍本國

花原君仲達之女元朝太子左贊善本國都僉議右
政丞漢功之孫有賢行能執婦道不以有無徇公生
三男長種德推誠翊衛功臣知密直司事次種學簽
書密直司事登丙辰科已巳同知貢舉皆先公卒次
種善司憲府執義登壬戌科知密直男四長孟暲判
軍器監事次孟昀藝文館直提學登乙丑科次孟暖
登壬申科次孟畛司僕直長女二長適瑞寧君柳沂
次適僉摠制河从簽書男六長叔野司宰小監次叔
畦司水主簿次叔當副司直次叔畝工曹議郎次叔
福叔時女適正尹李漸執義男三長李疇二幼銘曰

維韓之英有翼稼亭瓊琚厥辭射策帝庭於赫文
靖實維傳經早入辟雍大播其馨聯中乙科繼踵
玉堂厥鳴益大家國之光歛而東歸師範一方義
理精微上接程張文辭高古下視蘓黃道積厥躬
處事安詳德與齒尊位冠巖廊奉使專對見禮天
王來歸乞閒進退其臧維時多艱天意杳茫狼尾
之黨國人心傷泰山之頽行路涕滂嗚呼先生德
音不忘子孫其承福祿未央我銘不諛用旃攸長

園隱鄭先生詩集序

嘗謂孔子刪詩止于三百篇然而原按天理人倫而

達于政教風俗上有郊廟朝廷之樂歌下至閭閻委巷之諷詠凡可以感發善心而懲創逸志者無不具焉則詩之爲詩豈在多乎哉詩變而爲騷騷變而爲詞賦再變而五七言出至于律詩則詩之變極矣然而思無邪之一言可以蔽三百篇則詩之道亦豈多乎哉圃隱先生鄭公以天人之學經濟之才大鳴前朝之季今其子宗誠宗本以其遺稿來示余且請余曰吾先子所著詩與文喪亂之中失亡殆盡幸此若干百篇僅存欲餞諸梓以傳不朽子之於吾先子平生相許不淺矣幸題一言于卷端也余感其言受而

讀之辭語豪放意思飄逸和不至於疏麗不至於靡
忠厚之氣不以進退而異義烈之志不以夷險而殊
可見其存養之得其正而發見於聲律之間者亦然
矣則思之無邪豈係於詩之正變也哉他日中國有
採詩佚國之舉則此篇當與牧隱陶隱二先生之集
并傳於中國而使中國之士知海東有邦文學之盛
矣顧不偉哉嗚呼先生出處始終大致有國乘在茲
不贅焉

遁村李先生詩集序

名集字浩
然廣州人

昔余始見遁村先生子圃隱先生之小軒新脫逆眊

之禍來自南方其貌莊而毅其氣充而秀其語琅然而確以錫余心竒之再見于牧隱先生之草庵先生敬相待移日余聞其餘論繼而陶隱邀牧隱圍隱兩先生及遁村設小酌置金梅于前作梅花聯句余亦往叅席末聞其警句後余移家硯井洞去遁村龍首山下之草亭不數里贈余菊花詩一篇余謹和之曰幸遂相從之願未幾遁村病而卒厥後十餘年間圃隱陶隱相繼淪沒而牧隱先生亦且棄化矣獨余幸存至今每念相從之樂恍然如夢中事嗚呼可勝悲哉三隱詩文皆行于世而遁村獨無之余竊怪焉今

其子刑曹叅議之直奉其遺藁來示余曰吾先子欲
施所學而官不克達欲行所志而壽不克永不肖孤
所以有終天之慟也嘗聞顯親孝之終也不肖孤安
敢必哉坊欲刊此數百篇以傳諸後世使後之尚論
之士知吾先子之名請子幸序其卷端也余聞而益
悲之讀其詩頃日所謂克然而秀琅然而確以暢者
悉著于輦律之間古人云詩不可以偽爲豈虛語哉
遁村有三子俱登科以文行著名叅議其長也拳拳
以顯父義傳父名爲念其志亦可尚已

惕若齋金先生學吟集序

名九容字敬
之安東人

余少也遊於牧隱先生之門坐客有若圃隱鄭先生
惕若齋金先生陶隱李先生者視其容儀聽其談論
知其一代之偉人也自是心切景慕焉與之從遊者
二十餘年相許之分誠不淺矣金先生將奉使遼東
余勉以一言先生重違朝命不敢請而去卒有大理
之行不克復命嗚呼惜哉歟後十餘年間圃隱陶隱
相繼淪沒而牧隱先生亦已乘化矣每念平生之好
不能不潄泗交頤也今余謁告來鄉拜掃先塋留止
旬日府判君乃惕若齋之仲子以余爲父執待以厚
一日奉其遺稿來示之曰吾先子所著詩與文不爲

不多然以不滿其意隨作而棄之幸此若干篇僅存
竊欲鋟梓而傳後知吾先子者莫如子請子幸題一
言于卷端也余感其言受而讀之恍然若聆音聲而
接辭氣矣嗚呼詩之道亦難矣哉魏晉上作者去古
未遠然其不違於三百篇之遺意者鮮矣詩至於唐
而唐人之音亦有始正變之異其入於正音者亦不
為多矣况吾東方地與中國相遠風氣不同言語亦
異苟非天之賦與高出於衆人者安能變其固滯而
近於正音哉牧隱先生學於中國卓爾有高明之見
其於東人之詩少有許可者獨於先生之作每有所

歎賞曰平淡精深絕類及庵詩而至於平淡精深亦
豈易哉平淡精深則歸於正音矣則此若干篇宜亟
刊行使夫學者有所矜式也故書此以爲序焉

及庵
姓閔

名思平官贊
成謚文溫

禮記淺見錄序

禮經聖人立教之大典而功於人倫日用者也不幸
火于秦漢儒勤於掇拾然簡編不得其次文理不相
接間有雜引傳記不類於聖賢之言者多矣至宋河
南兩程氏表章大學中庸二篇餘未及焉考亭朱先
生有志刪定亦未暇焉及東匯澤陳氏之集說出學

者有所矜式然其編次仍舊學者有未滿之歎夫溯
而求其源辨而得其正中國之學者猶難之况海外
之一方乎我韓山李先生入學中國有高明正大之
見及東還師範一方欲於是經有所論著晚年多疾
竟未能就以屬門人陽村權氏陽村明敏勤儉讀書
無不究尤精於性理之學嘗在太祖高皇帝時入
朝京師帝賜對知其有學識命題賦詩使待詔文
淵閣得與朝之大儒劉公董公輩日相接聞見益正
所造益深矣及蒙恩還國以讜言見忌居閒數年
乃於是經專意參究更次簡編分爲經傳文義之可

疑者皆盡辨論題其目曰禮記淺見錄及我國王
殿下踐祚起爲相職任兼成均學者益進講論不少
懈乃將前錄更加筆削積以歲月乃克成編承政院
知申事黃喜具以聞 殿下命給奉書局紙筆令其
門人金泮等繕寫以進許於經筵進講乃 命校書
館用鑄字印成以備經筵講讀以廣境內流行仍
命臣崙序其卷端臣謹受 命退而讀并遍文彞典
雅議論精微前賢所未發者多所發明可見其有功
於聖門爲不淺矣竊謂宋朝龍圖學士宋公撰唐書
資羅人張保臯之行義至與郭汾陽并稱之其論公

不以夷夏而有異他日中國之大儒有如宋龍圖者
見此錄則此錄當與陳氏之集說并行於中國而傳
及於後世矣豈惟我東方學者之所幸哉恭惟 殿
下稟資明膏學就緝熙日開經筵講論道義以正出
治之本凡所施爲務合乎禮一覽此錄便加歎賞爰
命攸司以廣其傳崇儒重道之心與人爲善之意
嗚呼盛哉臣不勝慶幸之至謹頓首拜手爲之序云
送西北面都巡問使平壤尹趙公詩序
上之七年春方重外寄平原趙公受 命將行朝之
大夫士咸以詩餞屬余序余惟西北一道爲國藩屏

上以接中國下以禦外侮國家遣監司守令必重其
選苟非文武全才威惠兼至爲衆所服者莫能當也
稽之載籍則係箕子舊封之地九疇之化八條之教
入人深歷千有餘年實爲海以東風俗之權輿矣及
其季爲衛滿奪據漢武遣兵逐蒲置郡後爲高朱蒙
氏割據平壤乃其所都箕子之遺俗尚存昇平六百
餘年及其衰蓋蘓文作凶逆以召隋唐之兵蘓文死
二子爭權國隨以滅厥後爲王氏太祖所並屢幸西
都以安反側然自蘓文入之好亂者不絕至仁王時
則有元振崔恒者皆謀逆作亂煩兵乃平終王氏之

季爲監司爲守令者莫能以治東南方者治之專務姑息識者莫不爲之歎也至國朝南北一視恩威並行向之莫能治者已爲可治矣遂革土人之主兵者使守令帶團練之職士人服追逐之事監司總其發縱之權輕重之體得其宜矣民之悅之者至有如解倒懸者矣然而風俗尚未醇賦役尚未均流亡尚未息學校尚未周經界尚未正戶籍尚未明此在監司守令盡心與否耳惟公稟資清明識見高邁早知天命之所在從上潛邸歸心獻計蔚爲開國元勳歷官中外皆有聲績并當危急之際贊樹定社佐命之

功常以國體安危爲已任今茲受命專制一方余知公之至也必能宣上德威脩明教化守其所已成而勉其所未盡務回箕子之遺風滌去蘓文之舊染薰陶德性以成禮俗家有入孝出悌之行人知親上事長之義則軍民之任庶乎兩得之矣若夫餘閒暇日登浮碧樓以望山川之勝泛大同舡以興風詠之懷此則縱欲與之同而不可得已往往得佳句幸書以寄之以慰臨老之別相望之意也

贈李府使詩序

水原李使君過余寓次示以東行錄余謹詳之歲乙

交夏五月李君以遺逸被廷舉知事蔚州既到官勵
農訓兵修城塹謹烽燧以備不虞明年冬十一月倭
寇至其境不敢入乃侵長髻以至寧海以及于蔚琮
上命門下右政丞金公爲都統處置使徵諸道兵
水陸俱擊之慶尚道都節制崔公鷄林府尹柳公簡
精銳先進挫其前鋒寇退保竹山島聲言乞降一軍
莫之信柳公乃曰威信納降自古有之安可疑貳以
失事機也單騎遂往之使一人前呼曰鷄林府尹來
寇魁五人率其衆數百解甲登岸羅拜而請命公諭
以大義其魁第五者赴京納款第二者質其子公亦

留其价一人曰宜就蔚州蒲以便糧餉寇魁曰惟命
是從公乃還十二月寇至南浦李君接以厚居五日
其第四魁者率其衆至君所固要就船飲君遂與之
往則寇衆環立皆被甲露刃凜凜如也乃問之曰誘
降深入而欲水陸挾攻何也君笑曰是何言哉我
殿下順天應人德及遠方歸附者日衆皆待以赤心
爾輩亦嘗聞之爾輩自前朝之季作耗數十年廟議
欲大舉蕩盡爾巢穴今爾輩適來請降此乃轉禍為
福之日也妄生疑懼背信而去悔不可追矣寇欲加
以非禮聽其言乃止然且欲走勦令偕焉君略無難

色謂其從者曰死生行止罔非在天汝輩勿疑也至對馬島有一僧來見之稍解詩君題二十字示之曰滄海疑無地今朝忽見山居僧清且絕相對一開顏僧言於島魁乃館待以禮從者李青等竊小舟屢請潛還君曰古人有不往不賣者余竊慕焉且國家必遣人汝輩勿再言也居一月使者朴仁資等至責以失信寇衆愧且悔乃送李君還上慰問之授以今職重畿內也余嘗謂士之在平日其操守之淺深未易知及其臨患難而不易然後可以見所守之確然矣李君以一身之微陷衆寇之中鋒刃交于前安危

在呼吸之間矣乃能從容談笑曉以義理使之消其
暴厲之氣而發其愛敬之心上不負許國之忠下不
失持已之正非有素養者能然乎余代柳公任鷄林
者三月蔚又其隸郡故於父老聞其始末今觀本錄
益信之矣府之諸生誦其二十字請諸一方文士爲
詩歌詠之余於是書其所嘗聞者于篇首云

宗兄獻納君詩卷序

名得乎

吾祖宗世爲晉之士族晉在三韓時隸辰韓及三國
時隸新羅至高麗氏合新羅吾左司郎中公有功顯
王朝贈門下侍郎同平章事其後四門博士公仕高

王朝時方多難以親老乞兒還鄉教養子若孫連世
登第季孫之曾孫則吾曾祖晉康君公仲孫之曾孫
則獻納君之曾祖川南處士公世居一鄉晨夕往還
出入相俟患難相救農圃圖書之同樂歲時伏臘之
與遊親愛之篤不以世疎而少殺矣余少日獻納君
長我九年先我在鄉校余年十五而始赴校與之講
習唱和者五年余不意濫先登第獻納君學益進後
十二年而高科入仕成均驟遷禮官出爲郡宰人稱
有惠政官罷居間以山水自娛者數十年廷議重老
成舉以爲諫官獻納君年餘七十神氣不少衰及其

來朝厯省皓首進退雍容 主上禮貌廷臣聳觀其
爲盛朝之貴飾不爲少矣諸大夫士有舊者爲詩以
賀之左政丞移谷先生公謂曰同年生待以優禮和
其詩爲贈獻納君請余序其卷端余曰古之人謂宰
相爲股肱諫官爲耳目股肱耳目雖有大小殊然其
爲元首之一體則同不可以輕重言也士生斯世見
知於人主而得爲諫官亦不爲不遇矣余以不才承
乏相職而獻納君被徵爲諫官豈非祖宗積累之厚
而發於吾二人哉股肱之責則余實有愧矣耳目之
責君其勉之獻納君曰余老矣苟一息之尚存則敢

不盡力以無忝我祖宗爲念哉余聞而喜之書以爲

序

下春亭集有題河獻納得乎詩卷二首詩繼然
林壑養殘年義膽曾知大似天好是聖朝來苑

列香烟身惹御爐邊研窮聖學自髫年披霧如
今快觀天朝退佩聲歸到處鳳凰池水映池邊

送楓岳僧序

楓岳固奇秀可愛衲衣者棲息其間石磴千仞人跡罕到心與境靜而往往有得其道者然其稱金剛山則假藏經之說耳藏經有說金剛山者若曰在東海中八萬由旬一萬二千曇無竭常住其中則非楓岳之謂矣釋迦生西方成等正覺及涅槃與中國之成周并時矣自周以上盤古氏以來至于夏商聖賢之

衆教化之義可稱道者非一二禹會塗山執玉帛者
萬國武王伐商不期而會者八百國及既克商封箕
子于朝鮮朝鮮則在東海之上國土之多事物之繁
可稱道者亦非一二釋迦所說多至萬軸何無一語
及於中國之事而獨於東海之中金剛山之里數曇
無竭之名數若是其詳歟其他過去未來天堂地獄
之說亦皆甚詳甚悉而於現在之說都爲闕略何其
人所未知者說之詳而人所共知者說之無所及歟
蓋皆設爲假辭使人知所畏慕而長其向善之念耳
然則楓岳之見稱爲金剛山者假中之假耳今上人

之去也愛其楓岳之奇秀歎慕其金剛之假說歟假
之說一出而舉世之人奔走不已余之欲辨者久矣
今因上人之請詩既題其懷舊愛山之意而繼之以
此說上人其叅之若曰諸相非相真假皆空則非余
之所敢辨也已

晉州客館重修序

鄉之客舍失於火至于再不克重構者有年歲癸未
今判書廣州安公以左司諫大夫出爲牧使乃相舊
基稍廣其制而新之今牧使崔公判官殷君繼之而
增修之安公諱曾生崔公諱迤殷君名汝霖皆以循

良見稱於世

浩亭先生文集卷之二

浩亭先生文集卷之三

記

慶會樓記

在思政殿西環樓爲池種芙蓉集中有二島

殿下之十三年春二月景福宮提舉司以其後殿西樓傾且危報議政府以聞殿下驚歎曰景福宮我先考創業之初所建今遽若是歟遂幸而觀之曰樓之傾地潤而基不固也乃命工曹判書臣子青等曰農時向近宜役遊手者亟修之子青等度地移之小西因其基稍廣其制而新之又慮其地潤環樓而池焉既成矣乃幸而登臨之曰予欲仍舊而修耳無

乃過按舊制予子青等俯伏而對曰臣等恐後日又
且傾危故至如此於是召集親勲耆舊而與之爲樂
名樓曰慶會仍命臣河崙爲記臣不敢以文拙驛
臣嘗聞孔子對哀公之問曰爲政在人蓋人君之政
以得人爲本得人然後可謂之慶會矣恭惟太祖
康獻大王以聖文神武之德嘉靖一方天子賜國
號朝鮮遂定都于華山之陽乃建宮室以勤政名殿
且以名門其所以爲有國之本者至矣今我殿下
克肖其德續承丕緒事大益虔天子錫之誥命治
教休明境內乂安今修一樓尚慮農時之近役以游

手者不日有成且以慶會名之蓋欲以清燕之暇引見群臣之有道德而識治體者察納謨猷講論道義以正出治之源尤有以見殿下真知勤政之本矣臣竊嘗論之慶會者君臣之相遇以德也有若乾之九五以其大德利見九二之大德志同氣合以行其道則群賢類進而國家明昌所謂雲從龍風從虎者也若不以其德則羣邪類進而國家晦暝矣間有以德而進者用之不盡其材雜之以羣邪則亦於晦暝同歸矣稽之前古堯舜禹湯高宗文武之爲治皋夔益伊傅呂周召之爲輔則真可謂慶會矣若漢高之

蕭曹唐宗之房魏宋祖之趙普亦可謂慶會矣然不
純於德可能肩於三代哉至若武帝之公孫弘神宗
之王安石亦可謂相遇矣飾詐釣名之譏大奸似忠
之誚尚不能免矣何有於慶會哉又若玄宗之於宋
璟張九齡真宗之於寇準亦不可謂不相遇矣代之
者林甫而雜之者欽若涇渭之分薰蕕之辨尚不敢
望况以慶會言之哉以是觀之則君臣慶會從古以
來實未易多見矣幸而千載一遇焉則其樂為何如
哉惟我太祖既以勤政為有國之本而治之矣
殿下又以慶會為勤政之本而懋之創垂之義繼述

之善吁盛矣哉其能追三代之慶會致三代之治效
以貽謨於永世享景福於無疆者端可知矣若夫山
岳之奇秀園池之窈深冰雪生乎凡案江湖接乎軒
墀松栢之蒼蔚花卉之敷榮風烟雲月朝暮陰晴之
景物在乎觀覽之間者不敢形容之悉矣第其樓之
興復有類於為國焉傾者以正危者以安保先業也
築土以密除濶以深固丕基也樑棟柱石之欲其壯
負重者不可劣也櫓櫓猥楔之取其備任小者不可
大也敞軒楹廣聰明也峻階梯嚴等威也下臨必悚
尊敬畏也遐瞻不遺尚包荒也燕之相賀人民悅也

蠅之不止讒邪去也繪畫不侈制度文爲之得中也
觀遊以時文武弛張之適宜也苟於升降之際有是
思焉而以之施焉則樓之益誠亦不小矣敢以此並
記云

蠡石樓記

在晉州

樓觀之經營爲治者之餘事耳然其廢興可以見人
心世道矣世道有升降而人心之哀樂不同樓觀之
廢興隨之夫以一樓之廢興而一鄉之人心可知矣
一鄉之人心而一時之世道可知矣則亦豈可以餘
事而小之哉余爲此說者以矣今於余鄉之蠡石樓

益信之矣樓在龍頭寺南石崖之上余昔少年登望者屢矣樓之制宏敞軒豁俯臨渺茫長江流其下衆峯列于外間閭桑麻臺榭花木隱映乎其間翠巖丹崖長洲沃壤相接于其側人氣以清俗習以厚老者安少者趨農夫蠶婦服其勤孝子慈婦竭其力眷歌連卷而俯仰漁歌緣崖而長短禽鳥鳴翔能自知於茂林魚鼈游泳亦無厄於數畧物於一區而得其所者俱可觀矣至若繁英綵陰清風皓月以時而至消長盈虛之化晦明陰晴之變相代而不息樂亦無窮矣且其名樓之義則有淡庵白先生之記其略曰江

之中有石矗矗者構樓曰矗石始手於金公而再成
於安常軒皆壯元也因是有蕪名焉題詠之義則有
勉齋鄭先生之排律六韻常軒安先生之長句四韻
亦有耘隱僕先生之六絕句和韻而繼之者有若及
庵閔先生愚谷鄭先生熹齋許先生皆佳作前輩之
風流文彩因可想見矣不幸前朝之季百度陵夷邊
備亦弛海寇深入民墜塗炭樓亦煨燼矣天啓國朝
聖神相承治教以明恩濡境中威振海外向之爲
寇者扣關乞降絡繹以獻琛濱海之地日以闢人烟
再密鰥寡含哺班白之老酌酒而相慶曰不圖今日

眼見昇平然上心猶以爲吾治未足每降教旨
禁用民力守令於事涉農業學校之外不敢擅興一
後鄉之父老前判事姜順前司諫崔福麟等與諸父
老議曰龍頭寺邑初相地之所置矗石爲一方之勝
景昔之人所以奉娛使臣賓客之心以迎和氣而惠
及鄉民者也廢之久不能重新是吾鄉人之所共爲
責也乃各出財使鄉之僧募香龍頭寺者端永幹其
事余以此聞于上得蒙下旨勿禁歲壬辰冬十二
月判牧事權公衷至與判官朴施絜採諸父老之言
越明年春二月修葺江防分民作隊隊各一堆以除

田里積年之患不十日而畢乃於是助其不給召集
游手者數十輩俾勤其力至秋九月而告成危樓聿
新勝觀如舊今判牧事柳公淡判官梁施權繼至而
赭堊之且因登覽謀所以灌漑者造水車築堤堰以
興民利父老具其始末請於余曰江防之筭矗石之
營皆子之指畫而樓成之况蒙特 旨榮耀一鄉者
至矣數君子之爲民慮亦可謂勤矣盍爲記以示不
泯余曰此皆由於父老之志顧余何有焉然旣以人
心世道爲喜且於父老之意有感焉謹書前後之見
聞者云且夫竊惟登是樓者見汀草之始生念天地

生物之心思不以一毫不仁之慘而害民生見田苗
之方長念天地長物之心思不以一毫不急之務而
奪民時望園木之始實念天地成物之心思不以一
毫非義之欲而侵民利見塲圃之方積念天地育物
之心思不以一毫非法之歛而掠民財推是心而擴
充之不敢獨樂於已而必欲與民同之則人皆知世
道之和人心之樂實源於上德之深厚而皆願效
於華封人之祝矣則父老之拳拳焉用意而興復者
夫豈偶然哉余幸致仕之日已近思欲匹馬還鄉與
諸父老每於良辰勝日觴詠於樓上同樂其所樂以

終餘年父老其待之

臺石城門記

自古以來理亂循環蓋其天數之盛衰人事之得失
相因而然也古之人修人事以應天數故寇亂或興
而終莫能爲患也余於吾鄉之城有感焉余昔總角
之日遊學于此每見城塹之遺基不知其歲月問之
耆舊亦莫徵當時閭閻熙熙烟火相望海寇之鼠竊
者雖或間發康州吉茂之伐亦足以摧挫而合浦之
鎮分兵相救若雷勵而風飛然人不知修城塹爲急
務也余旣冠從宦十餘年來寇之登陸者歲益深在

丁巳之秋廷議重備邊遣使諸道分理州縣之城鄉人即舊基等以土不能經火隨復頽圯奉使者豈得辭其責已未秋今知密直裴公來鎮康州移牒牧官俾復修之遣叅佐督其役易土以石功未半而寇陷賴江城郡之山城一鄉人有所依據得以却寇鋒然城狹而高不能以容衆又去州理遠倉卒勢不能及寇既退牧使金公因民情而出今曰州之城今可以畢修矣聞者咸願為之役於是丁均其役躬自監督不日而畢城周八百步高三仞有奇置門三西曰義正北曰智濟南曰禮化皆樓其上焉登而四顧則菁

川繞于西長江奔于南品字隍列於東三池匯其北
又開塹于城池間自西而東折而又南以至於江形
勢之勝固可以一當百矣城旣成矣寇不復敢近而
一境賴而安嗚呼作之之難不如興復之爲難有始
之難不如有成之爲尤難也事半而功倍者余於金
公見之矣公諱仲光爲政務大體有長者風嘗爲濟
州牧及側之俗服其義及還朝宰相以能理劇舉故
有是任判官李君任忠亦端人也助公以成

鳳鳴樓記

在晉州今儀鳳樓

晉余鄉也余知形勝矣飛鳳之山張翼而止于北望

真之山龍翔而拱于南長江流其間西東諸山宛轉
而回環矗石之峯橫江北渚因峯爲城旣險而高昔
有樓在峰頭登臨之羨冠於一方飛鳳則連長白而
接于閭風望真則連智異而智異又連乎長白與之
並峙矣江之水則又源乎智異而智異之東北衆山
谷之水合而爲一山之長水之深其氣鬱於中人衆
而物阜往往出奇偉之才從古爲巨邑不亦宜哉客
舍之南百步許有舊樓三間虛其下以通往來謂之
樓門而未有名旁列老樹數十株含風蔽日爽氣自
至公館民廬竹林花木隱顯而相接山光水色烟霞

星月映帶乎其外游觀之適實在粵廓之間矣領牧
事正憲大夫崔公旣到官與判官設君共圖治效凡
可以起廢者靡不爲之乃謂州地極南夏暑尤甚使
臣賓客之待宜有涼處矗石之樓毀已久且阻公靡
豈若修此樓功省而事便集工人使以農隙整歆易
朽補增其短窄而赭堊之旣扁之曰鳳鳴屬州人前
尚牧全君悌請余記余竊惟鳳王者之瑞也昔周盛
時鳳凰鳴于高崗今明主在上躬行仁義任賢使
能尤重親民之職崔公以慈詳愷悌之資出宰一州
奉宣王化乃以鳳鳴名樓蓋欲以文武之德望於

吾王而庶幾有鳳鳴之瑞也可見其敬王之至而愛王之深矣抑嘗聞漢之黃霸守潁川鳳凰至官舍治爲天下第一徵入爲相功光于時譽流後世此晉人之望於崔公者而崔公之亦宜自勉也余少日侍親于幢南里之家去樓二百餘步及至從宦每二三歲必謁告歸寧定省之餘登覽茲樓者不知其幾回矣今余老矣官品妄高二親俱不在風樹之悲其可勝哉思欲乞身還鄉拜掃墳塋與崔公共一登臨以賞重新之制以追舊遊之樂亦不敢果矣余與崔公尊祖江陵君同里松京獲聞長者之餘論知崔

公素有家庭之訓今又聞爲政之最故不以文拙辭
因以附余之感而悲者云

惠利院記

在慶州

鷄林新羅氏之古都入前朝爲巨府人物之繁駁史
具可見也及其叔世倭寇爲患者數十年可悲之甚
矣余於庚午春將適蔚州道過城南寄宿天王寺堂
頭然上人接以良話明日出門則寺以東杳無人烟
行九十餘里以至于蔚州則孤城去海不滿十里賴
有戰艦分泊浦口以備不虞耳其戍卒率兩月一更
代魚鹽之貿易者亦時至其於九十里往還之間祈

寒暑兩或值日暮無所於止息草竊之可慮虎豹之
可畏不能不呻吟焄焄以待曙光於林莽之間矣余
將還又宿天王寺語及羈旅之苦行役之難上人曰
余雖出家爲養老親不能遠離鄉井子之所言余所
悉知也親已歿願以追福之餘就於半道構一小院
力不能足耳余聞而義之明日上人送至大悲院丁
丑春余尹府而至則上相尚無恙云退之暇相與之
話舊上人乃曰余於向之半道卜得古之人所謂德
方洞者前後皆山草木叢茂澗水中流可以爲煥房
可以爲涼軒旁有閒地又可以種蔬果誠宜置院以

便行旅而南靜州得溫李節制從周共助其費幾乎
有成矣余聞而喜之欲於暇日相與一往觀之而未
遂也今余奉使命又過府境上人出而見之喜滿于
色曰吾之院旣成而子方有中國之行不敢請陽材
權公已記之矣余猶不得院名請子幸名之以光吾
院余曰吾東方道遜之有院宇即周禮廬宿之遺意
而爲政者之所當務也今上人孝其親以誠又推其
餘以及於行路之人是其惠人利物之念發乎天性
之所固有而不容已者若此其視深山窮谷之中坐
於空寂如槁木寒灰無所事於世者相去豈不遠乎

是宜有以名其院而使夫來者有所觀感也於是名之曰惠利仍次其前後之相語者以爲序云

衢謠樓記

在比安

親試科第三人右正言知製教朴君瑞生將往故鄉拜掃先瑩告余別且請余曰吾鄉比屋舊爲尚州屬縣去州六十餘里縣吏五日一詣州聽命奔走猶恐不及往往有緩急州吏到縣則施辱縣吏流毒縣民有不可勝言者矣前朝之季事多倉卒縣之勢日蹙矣至我國朝具知其故諸屬縣與州相阻者皆置監縣官一人使自爲治吾鄉例得官然後吏民稍至

蘓息歲癸未之春監縣官俞君讓到官凡可以起廢
者靡不圖之一日集縣之父老而語之曰館宇所以
接待使命宣布德威者也縣既非前日之比矣館宇
卑狹如此當夏之熱無以安使命父老亦能爲愧乎
咸曰惟命館之南有通衢老樹數株夾衢而峙乃就
其陰構樓三間後民農隙不日而成坐而四顧則青
山旁圍澗水流前綠陰滿地清風自至實有登臨之
適矣請子幸名之且爲記以光吾縣也余曰拙文安
敢爲然余嘗聞堯舜之民比屋可封今聞比屋之名
不能不有感於懷矣士生斯世幼而讀聖人書孰不

有堯舜君民之志哉卒未有能行之者謂之何哉夫
堯舜之道仁義而已矣仁義人心固有之理人皆有
是心而心皆有是理矣但不能盡心焉耳上有盡心
之君下有盡心之臣君臣相遇自古爲難矣正言既
比屋世家夙聞比屋之名其有堯舜君民之志者爲
不淺矣逢辰休嘉射策王庭超陞侍從之列職之
以言責君之知非不深矣君之任將大矣他日以堯
舜君民之心行堯舜君民之政使吾東方有比屋可
封之俗則必自子之縣始矣既有可封之俗則必有
康衢謠矣館之南有樓樓之南有衢則縣民之謠于

是衢者將必源源而不已矣登是樓而聞是謠者其
樂爲如何哉敢以衢謠名樓可乎正言拜曰大哉言
乎鯁生烏敢當哉然此意敢不歸語鄉人父兄服膺
而勿失哉余老矣不能盡心者矣旣以名樓且重有
感於懷矣故書以爲記

振威縣客館記

振威旁於大路勞費倍他縣爲治者苟非用心之至
無以安民生而集事功也縣令李使過余水原旅次
勞問之且曰縣之客舍幾廢矣余與縣人圖所以重
新達于都觀察閔公至于再公許之且助其費余於

是募集游手食以捧祿之餘伐材陶瓦即舊基而增損之崇堂于中翼其兩旁折為煥房涼軒以至廊廡開閉靡不新之揔若干楹塗以赭堊繚以周垣既成矣公來觀之曰不圖縣令之若是也宜記以示後不閱月而公還朝嗚呼公今已逝矣言猶在耳不敢忘也請子幸記之使無負閔公之意也余曰拙文安敢爲然念余昔觀察全羅之日道過縣寄宿其所謂客舍焉地卑而溼楹桶之朽且危者殆半夜雨方作余畏下濕而上漏不能卧而寢之天明將行老吏數人送門外余問客舍何至是乎對曰三四十年來郡縣

多故民不聊生加以弊縣路通南北使臣賓客之行
絡繹迎送供億惟恐不能給館舍之修何敢望乎我
輩誠措躬無所矣余聞之惘然者久之而去屈指六
年于今矣侯之有以起廢者如此向者老吏之言一
何遠也不知侯何修而致此歟可以見今日之世道
已異乎向之三四十年侯之爲治亦非三四十年之
爲令者所可同日語也嘗謂館舍所以供使命宣
上德威者也爲守令者坐視其廢而不修是不虔也
然而守令之驕能興作者例用民力或至於奪民時
以爲民患侯之此舉則止役遊手之徒使一縣之緣

南畝者不知縣官之有興作是可書也使名稚鷄林
士族也捷科制登朝聯以文行見稱出爲是任乃能
不卑小官盡其所當爲見於事功者繼侯爲治者念
前日以廢之不能修知今日興復之不容易省傾而
察漏圖難於其易以時修完無使歸於復廢而已

不毀樓記

在金海

金海古之駕洛伽倻也駕洛與新羅并起首露之生
儘奇異遺俗尚有淳風且其登臨之美冠於南方金
剛社之小軒爲第一社有山茶樹蔭于一庭前朝忠
烈王駐輦于此賜號將軍父老相傳以爲美談余昔

意我求記與名者豈非俱可爲世道喜哉況其亦昔
徘徊之地乎余是以不固辭名之曰不毀且書前日
之所嘗見聞而今日之感于懷者以爲記登是樓而
見是篇者苟能反求諸心不以耽樂毀其節不以縱
傲毀其德不以私意毀其公道不以偏見毀其正理
不以一毫之慘而有毀於仁不以一毫之欲而有毀
於義思所以不毀國家之典則思所以不毀祖父之
訓戒凡可以不毀一身之事業者靡不思之以至於
永世不毀之地則登樓之益誠不小矣若夫景氣之
紆制作之精非目接難以致詳矣安得天假之年致

仕還鄉泛舟於蠡石之江順流而下以至黃山之浦
一登樓上更賦一篇哉安公名純判門下雙清先生
之孫開國功臣興寧君之子觀此舉亦知有雅量文
致矣

寒碧樓記

在清風

昔余屢過竹嶺路清風郡守每於路旁相候而送之
言郡形勢必稱寒碧之爲樓且誦朱文節公四句詩
余聞而樂之乃緣忽忽未暇一人而登覽今鄭君守
弘以書請余曰郡之寒碧樓名於一方儘奇絕可償
數十年來雨漏風摧殆將廢矣余到郡幸值國家閒

暇今年秋請工人修之樑棟軒楹朽者斂者靡不易之以新請子幸爲記以示後來余謂樓觀之修治守令之末務耳然其興廢實與世道相關世道有升降而民生之休戚不同樓觀之廢興隨之夫以一樓之廢興而一郡之休戚可知矣一郡之休戚而世道之升降可知矣豈非相關之甚者哉今此樓以數十年摧朽之餘至鄭君爲政之日而重新之可以觀世道之有異於數十年之前矣然今之郡縣尚有不修之樓觀則亦豈直世道哉若鄭君可謂順世道而爲治者矣余昔觀察忠清道鄭君方知事安城名在最中

余始識其爲人故書此以爲記且溪山之勝制度之
美則非目接無以致詳矣清風之號寒碧之名聞之
尚能使人骨冷他日倘能遂赤松共遊之計再過竹
嶺之路則當爲君一入而登詠文節之詩想見其人
於數百載之上且賦君遺愛詩一篇而去

彌勒院記

院名屈坡
在懷德

余嘗歸寧于鄉道過懷德縣之東境山川縈紆草木
蒼蔚中有路狹且險路傍有院宇歸然出林表余望
而下馬登樓納涼移時覽觀溪山之勝欲留詩未暇
而去院名已忘之矣今者前公州牧使黃君自厚以

吾牧隱先生所著彌勒院南樓記來請余題其後余聞其形勢則余所嘗登觀者也院之經營始末與夫苗氏父子兄弟慈愛友恭樂施於人則先生之記盡之矣今其孫又能體祖父之意不惟修治不懈而又作室于東西以別男女之所次且求詩於縉紳間欲益顯其祖父之德之義其志亦可尚已

贊

獨谷讌座圖贊

成石璘謚文
景昌寧人

維獨之慎曾思所傳聖門心學實此依先維翁之獨益得其情維情之得于谷以名惟谷之密有隱其堂

蕭然讌坐閑戶焚香白髮朱顏壽而且康有存乎內
體用攸通無慕乎外仕已攸同誰其圖之宛在堂中
溫乎和氣肅乎清風維身之獨見圖即然惟心之獨
匪圖能焉欲形於言難極其微即圖爲贊敢謂庶幾

敬烈公眞贊

并序

門下評理
朴普老

余少也見敬烈公于廣衆之中識其美鬚髯長軀幹
風度過人而已及前朝之季將相多不得全而敬烈
周旋數十年不避艱險卒以功名令終余然後知敬
烈之有諸中者亦有過人者矣有二子伯氏曰孝寬
仲氏曰專古俱有孝行請工人寫眞以盡如在之誠

久而不少衰一日仲氏來請余贊余嘉其孝勉爲之
贊曰

於維敬烈有美其儀夷險一視文武攸宜乃心惟謹
著勲于時有子懇懇能竭孝思寫真惟肖如在事之
凡百人子庶其取斯

祭文

祭權陽村文

道無古今因人以明人之明道世不常生中國猶然
况吾一方於維陽村天挺之良稟資純粹學問夙成
溫恭勤儉惟德之行洙泗微旨瀛洛格言潛心積力

靡不窮源入學之說辨禮之論開發蘊奧有功聖門
施諸事業克裨綱常作爲文字有光典章踐履之正
夷險不殊操守之確始終不渝念在己酉我始識君
師事牧園共期有聞乃值庚午同竄南荒上黨雨潦
天意孔彰及乎乙亥共觀高皇右順賜對咫尺耿
光辭直理順國勢以昌爰及庚辰其載今王載忝
勲盟出入廟堂平生出處蓋與相同功礎之益每率
于衷惟君之生少我六年惟君之知實在我先我頭
已白君髮猶青謂當大用克致邦寧何期一世違世
遽爾上心所悼國人所悲國疑誰質國病誰醫况

我孤陋有過誰規河酌之微而情靡涯

說

心字說

心者理與氣合者也先天地而無始後天地而無終者理與氣也此之謂太極也太極者理也其動靜氣也此天地萬物之所以爲心也所以無極而太極者天地之心也萬物各具一太極者萬物之心也人於萬物之中得其氣之正且通者故理之寓於是氣者無不全物則得其氣之偏且塞者故理之寓於是氣者不能具此人物之所以分也然其正且通者不能

無清濁純雜之不齊故有智愚賢不肖之不同偏且塞者亦不無一路之良知故有近於父子君臣報本有別之倫理者斯可見人物之心無非理與氣之相合者也專以氣言則五臟之一物專以理言則五性之總名惟其理與氣合者斯謂之心矣理與氣相離則理自理氣自氣便不可謂之心矣舜之命禹曰人心惟危道心惟微以其理與氣之雜於方寸之間者分以言之以為精一執中之戒此其萬世心學之淵源也數千載之下乃有周子太極圖說程子朱子數而衍之理氣之說明且備今之學者一何幸也知此

則可以知死生之理矣可以知生順而死安矣

性字說

性者天理之在人心者也仁義禮智信其名也在天爲理在人爲性其實一也寂然不動者其體也感而遂通者其用也惻隱羞惡辭讓是非用之見於外者也觀其見於外者則可以知其體之有諸中矣此所謂本然之性也惟其資稟不齊故有昏明強弱之不同此所謂氣質之性也孟子言性善此極本窮源之論而不及乎氣質之性荀子言性惡揚子言善惡混韓子言性有三品是皆言氣質之性而不及乎本然

之性夫本然之性則堯舜與塗人一也而氣質之性則十百千萬之不同然而強勉學問而變化其質則本然之性即此而是矣有如一殷明珠在清水則明在濁水則昏水之濁者淘汰而至于清則與夫本在清水者無以異其明非外求其昏非固有在能淘汰而已耳循是性之自然者道也行是道而得於心者德也苟能明於字義則其可以知性矣亦可以知道與德矣知之明則行之正矣未有知不能明而行得不差也

名子說

言
木之生久則必聳于巖壑水之流久則必達于溟渤
人之學亦然久而不已則必至于有成名汝曰久汝
其顧名而思義毋敢放肆毋敢逸遊今日格一物明
日格一物今日行一善明日行一善日慎一日雖休
勿休則可至于成人矣不然日損月退必爲小人之
歸矣汝其敬之汝其勉之

議政府相規說

自有載籍以來人臣言行可法可戒者不爲少舉其
尤大彰著者而言之則天聰明自我民聰明天明畏
自我民明畏達于上下敬哉有土臯陶之告舜也耻

其君不爲堯舜有一夫不獲其所若已推而納之溝
壑伊尹之相湯也旁求後又列于庶位傳說之相高
宗也敬勝怠者吉怠勝敬者滅義勝欲者從欲勝義
者凶太公之戒武王也臣之有作福作威王食其害
于而家凶于而國人用側頗僻民用僭惑箕子之告
武王也夙夜罔或不勤不矜細行終累大德爲山九
仞功虧一簣召公之訓武王也一食三吐哺一沐三
握髮以禮賢士周公之相武王也行己以恭事上以
敬養民以惠使民以義子產之相鄭也道之以德齊
之以禮敬事而信節用而愛人使民以時仲尼之論

爲政也五畝之宅樹之以桑百畝之田勿奪其時謹
庠序之教申之以孝悌之義孟子之論王政也正其
義不謀其利明其道不計其功董仲舒之論王道也
開誠心布公道舉還逸廣忠益不使庫有餘帛廩有
餘粟諸葛孔明之爲王佐才也罄竭心力知無不爲
薦進人物爲已任房梁公之相唐宗也仗忠信安義
命郭汾陽之保終始也正已格君知人處事真西山
之論相業也瑣瑣姻婭以爲職仕不聞不仕以罔君
子師尹之亂周也好貨而專利使監謗者道路以目
榮夷公之誤周也飾詐釣名希世取寵公孫弘之被

譏也不學無術陰妻邪謀霍光之絕祀也重窓複壁
田園極膏腴梁冀之取滅也華而不實欲而無厭張
率裴頠之及禍也貌柔陰賊偏忌忤意者皆中傷之
李義府之賣唐家也善揆上意善養君欲杜塞言路
排抑勝已口有蜜腹有劍李林甫之亂唐也奸邪陰
狡小不附已必欲置之死地盧杞之誤唐也弄權弄
智杜塞人言政以賄成僭侈無度胡椒八百斛他物
稱是元載之取滅也妬賢嫉能無與爲比盧多遜之
見竄也務財用行新法引用小人王安石之禍宋也
閉塞言路招權納賄妄行威福賈似道之致家國俱

亡者也登是府者見其可法者而必欲有諸已見其
可戒者而必欲無諸已兢兢業業日慎一日則不患
不爲君子而家國俱榮矣反是則難乎勉於禍矣嗚
呼可不懼哉可不欽哉

循資格說

書曰官不必備惟其人爵罔及惡德惟其賢官爵者
人君所以待賢才而與之爲理者也循資之格但以
歲月久遠勤勞多少爲等第賢智者宜在上而反滯
乎下愚不肖者宜在後而反居乎前以致玉石相混
薰蕕無辨此朝廷之所以不尊而庶績之所以不熙

也願理之君其可以此爲用人之法乎

策題

王若曰帝王之治必有其道帝王之學必有其法堯舜禹湯文武之爲君其所以爲治而所以爲學可得聞其詳歟歟後漢魏秦隋唐宋之君治與學其有可法者歟抑無可戒者歟吾東方有國自箕子之朝鮮以及前朝其有治與學之可言者歟我太上王應運開國予以否德纘承丕緒夙夜祗懼罔知攸濟非不有志於治而治未見效非不有志於學而學未有成何修而可以至於二帝三王治與學之萬一歟爲

治之道何者爲綱何者爲目而爲學之法何者爲本
何者爲末歟其所以終始用力之方又安在乎諸子
博通經史必有能言是者願聞其說

王

若曰爲治之道必有本末行道之序亦有先後唐虞

三代之治本末先後可得言其詳歟孔子曰殷因於
夏禮所損益可知也周因於殷禮所損益可知也以
禹湯又武之聖其所損益之不同何也三代以降稱
善治者漢唐宋而已亦有本末先後之可言歟漢繼
於秦唐繼於隋宋繼於柴周其亦有損益而已歟惟
我國家承前朝衰亂之季 皇考太祖拯民塗炭之

中創業垂統 予以否德繼述惟謹夙夜不敢遑寧

期治又安然而民心習俗尚循前朝之舊可得無所
損益而能治歟若之何則陰陽和而風雨時朝廷正
而習俗美歟若之何則賦役均而民產足軍政修而
士卒精詞訟簡而冤抑伸歟若之何則民有定居而
流亡歸民不益賦而用度裕歟三代以上之治道可
得施其萬一歟諸子素有講論必知其說陳之無隱

右二首策題
士和先生承

上親臨試
命代題

問有天下國家者莫不欲治安而惡亂亡其所以治
日少而亂日多者何歟堯舜之所以致雍熙之治者

何道而禹湯文武之所以躋世隆平歷年悠久者何道歟厥後漢唐宋之歷年幾於三代其治效之不逮者何歟享國最短者莫若秦隋而唐末之五代尤甚其所以然者何歟抑以吾東方言之檀君之朝鮮則無籍可考矣箕子之朝鮮赫居世之新羅俱歷年一千其道何由弓裔之高句麗甄萱之百濟俱不旋踵而亡其故何歟前朝王氏之歷年亦幾五百其所以就亡者何故歟我國家受命奄有東方今殿下天性聰明勇於爲善伊欲致治教之休明歷年之永久其道安在其悉陳之母泛母略

問聖賢之論心性尚矣舜言心湯言性其所以執厥
中綏厥猷者可得聞其詳歟孔子再言性其不有同
異之可言歟曾子言心子思言性何所本歟孟子言
性善其有所本歟荀子言性惡楊子言善惡混韓子
言性有三品其亦有可取者歟老佛虛無寂滅之說
其亦有近理者歟至周子有真靜之說亦何所本歟
程子有論性論氣不備不明之說亦何所本歟朱子
序中庸言心序大學言性其旨何歟三代而上心性
之論在乎上三代而下心性之論在乎下其故何歟
伊欲明聖賢之學以致聖賢之治其要安在請聞其

說

問輔相之職固難矣其所以能盡其職者何道歟若
昔稷契皋夔之輔堯舜益伊呂周召之相禹湯文武
者可得聞其詳歟至若漢之蕭曹唐之房杜宋張可
稱者何事歟蜀漢之諸葛孔明尚論者稱爲伊呂之
匹何道而然歟及至于宋可稱者誰歟真儒輩出道
學復明其不得見用者何歟恭惟我主上殿下天
性明睿聖學緝熙圖任舊人期治隆平若之何則能
盡其明歟三代以上輔相之道可得行於今日歟諸
生學通古今請聞其說

疏

請正文廟位次疏

辛巳（）疏全
文今不傳

請正文廟位次一依中朝顏孟陞五聖子張陞十哲

以木主易塑像

乞聽政疏

戊子○出國
上王昇遷
上朝賓鑑永樂六年
上哀毀不聽政先生陳

疏乞
聽政

臣竊謂人君之德莫大於孝而致孝之道與衆人不

同諒闇之法殷周之前已不能行惟高宗行之周成

王崩康王即位受群臣朝釋冕及喪服先儒謂天子

諸侯之禮與士庶人不同蓋人主當以天下國家爲

體宗社生靈爲計大位不可以久曠大權不可以暫
分觀其時勢不得不然故也設周盛時人心淳厚世
道隆平諒陰之法猶且難行况後世乎自漢文帝還
詔短喪之後歷代遵守皆不行三年之喪惟晉武帝
魏孝又周高宗獨能行之然軍國重務皆自聽斷宋
之真仁英神四宗皆賢主也外廷羣臣皆用曷月之
制而內庭實行三年之喪今考當時帝紀坐朝聽政
除拜大赦皆在未葬之前夫宋三代以後治教休明
之世眞儒輩出制度文爲皆可爲後世之法故今日
外廷得臣行喪之禮悉遵宋制今我 殿下哀慕

太上誠孝功至深居諒陰不肯聽政羣臣遑遑罔有
稟令前日臣等謹率百官合辭以諸聽政 殿下不
即俞允臣聞 命不勝感愴竊伏惟念舜稱大孝周
公稱達孝蓋遭父母兄弟之變而善處之者也戊寅
之變奸臣乘我 太上之不豫挾幼謀亂宗社安危
間不容髮幸賴 殿下應機誅除再安宗社萬世永
賴則我朝鮮億萬年無窮之業 太上開之於前
殿下定之於後其善變而能繼述者實可與舜周公
無愧矣是蓋以宗社爲念以行大孝矣今我國家雖
號小康中外之虞不可不慮 殿下欲效三代盛時

之禮恭默不言不肯聽斷臣茅竊恐庶事必至於陵

替或貽宗社之憂終有虧於大孝也伏望 殿下抑

哀順變一遵宋朝之制素服臨朝日聽庶政上以陞

宗社之大孝下以慰臣民之輿望以永 太上草創

之業以貽萬世持循之法出國朝寶鑑

自辨疏癸巳○出國朝寶鑑以下三疏全文

隱行狀碑文事屢請訊先生依法治罪陽村斬

棺瀦宅籍沒家產以徵後來先生凡四上疏自

辨得

再疏

三疏

四疏

所謂忌公者指南閭鄭道傳而言也若用事之臣陰
謀之事皆以爲出於太祖之命則如縊殺李種學
杖殺李崇仁等六七人之事豈太祖之所知哉
荅曰覈實以聞

權

上

仍

謂

議

政

府

六

曹

臺

諫

曰


河

崙

笑

矣

南閭懷貳





卷之三

三

法

一